



UNIVERSITÄTS-  
BIBLIOTHEK  
PADERBORN

# **Facilis Et Succincta S.S. Canonum Doctrina**

**Pirhing, Ehrenreich**

**Dilingæ, 1690**

Titvlvs XIV. De Precariis.

---

[urn:nbn:de:hbz:466:1-61641](https://nbn-resolving.org/urn:nbn:de:hbz:466:1-61641)

Laicis, & Clericis extraneis, quibus jus agendi in defectum aliorum ad repetenda male alienata conceditur, cum de jure publico læso quilibet admittatur.

## §. II.

*An, & quando Ecclesia læsa ob alienationem rei Ecclesiastica competat beneficium restitutionis in integrum, & qua sint pœna male alienantium rei Ecclesiasticas, aut male accipientium?*

**Q**uod petere possit Ecclesia ob rei Ecclesiasticæ licitè etiam factam alienationem, si postmodum enormiter lætam se fuisse comperiat, restitutionem

in integrum, ex c. *Ad nostram* 11. h. *in junctâ Glosâ V. enorme* patet. De qua restitutione in integrum Ecclesiæ concedenda, præsertim intra quod tempus videri potest *Tit. 41. l. Libri Decretalium*.

Ad pœnas quod attinet, contra Sacrosanctos Canones rem Ecclesiæ alienantem, & male alienatam recipientem, ex dictis patet. §. patet, quod excommunicatio uterque incurrat, nisi statim, vel intra præfixum à Prælato Ecclesiasticum tempus alienationem talem revocaverit, & res alienatas restituierit. Vide c. *Supra* 6. h. 2. & can. *Apostolicos* 13. §. *Quia* *Caus. 12. q. 2.*

## T I T V L V S XIV.

## DE PRECARIIS.

## §. I.

*De contractibus in genere.*

**Q**uæ hoc §. dicuntur melius ex Theologia aut jure Civili desumuntur.

## §. II.

*De contractu Precarij.*

**P**recarium est species quædam liberalis, & gratuiti contractûs, quo precibus petentis conceditur utendum aliquid, quamdiu is, qui concessit, patitur, sive quamdiu non revocat c. 3. h. 1. Differt à donatione, quod qui donat sic dat, ut non recipiat amplius, & traditione factâ revocare nequeat, nisi in certis quibusdam casibus à jure expressis; Pre-

carium verò ita conceditur, ut per usus quidem rei transferatur in alium, non autem dominium, & illud iterum repeteri possit; à commodato verò differt, quod ad specialem usum, vel certum, & definitum tempus expressè, & tacitè concedatur commodatum, quod tempus finitum, aut certum præstitum revocari non potest commodatum; Precarium verò nec ad certum tempus determinatum, nec ad certum usum ordinariè conceditur, & quocumque tempore revocari potest. Et hinc colligitur, quæ ad substantiam Precarij requirantur, primò quidem consensus tam dantis, quam recipientis, quod contractus est. Secundò, ut fiat in



tionem rei, quia est contractus, qui re-  
pescitur. Tertio, ut qui dat precario  
rem; possit eam, quodcumque volue-  
rit, revocare sine alia causa, cum pen-  
deat semper ex libera voluntate con-  
cedentis: non quidem quasi statim sine  
urgente causa revocare possit, ne omni  
usu & commodo Precarii privetur, cui  
concessum est, & fraus potius, quam  
beneficium presumatur, sed quod post  
aliquod tempus, nullâ aliâ causâ urgente,  
revocari possit.

Finitur autem Precarium primo per  
revocationem illius, qui concessit, uti  
ex natura Precarii patet. Secundo fini-  
tur per mortem illius, cui Precarium con-  
cessum est, quia Precarium est benefi-  
cium personale, quod cum persona, cui  
beneficium hoc factum est, extinguitur,  
nisi Precarium non tam personæ, quam  
dignitati concessum sit, quo in casu, si-  
cuti dignitas etiam in successore remanet,  
quamvis, qui præcessit in dignitate, mor-  
tuus sit, ita & Precarium ad successorem  
transit, donec revocetur. Tertio finitur  
etiam per mortem concedentis, si pre-  
carium datum fuerit sub expressis clausu-  
lis: *Usque ad meum beneplacitum, &c.* cum enim Pre-  
carium dependeat à voluntate con-  
cedentis, concedens autem non velit  
eam ultra, quam durat ejus beneplaci-  
tum, aut ejus voluntas, &c. extendi,  
consequenter sicuti per mortem con-  
cedentis voluntas, & beneplacitum tollitur,  
ita etiam per mortem hujus finitur Pre-  
carium, Quod si tamen vel absolute sine  
expressis talibus clausulis Precarium fa-  
ctum sit, vel sub clausulis: *donec revoca-  
vero, vel usque ad placitum Sedis Episco-*

*palis v. g.* non expirat per mortem con-  
cedentis, cum in his casibus actus posi-  
tivus revocans requiratur *arg. cap. Si su-  
per 9. De off. deleg. in 6.* Quarto finitur  
per alienationem rei precario concessæ,  
ab eo factam, qui Precarium concessit,  
si emptor eam revocaverit; neque enim  
licet rem alienam, invito Domino, qui  
hæc & nunc in hoc casu speciali emptor  
est, possidere aut detinere; quod si ta-  
men eam non revocet, censetur ab illius  
liberalitate jam precario teneri, & non  
amplius à priore Domino.

## §. III.

## De contractu Precariæ, seu Precariarum?

CONTRACTUS hic juri Civili ferè inco-  
gnitus multum differt à contractu  
Precarii, de quo priore §. actum fuit:  
precario enim dari possunt tam res mo-  
biles, quam immobiles, item jura & ser-  
vitutes, &c. Precariæ verò locum tantum  
habent, in rebus immobilibus. Secundo  
Precarium ad certum & determinatum  
tempus non conceditur, sed pro arbitrio  
concedentis revocari potest; Precariæ  
verò ad certum tempus, de quo contra-  
hentes convenerunt, concedi possunt, &  
revocari in tali casu non possunt, ante-  
quam tempus præfixum finiatur (uti col-  
ligitur *ex c. 3. h. t. nisi in damnum Ecclesiæ*  
*cederent tales Precariæ c. 2. h. t. & hinc*  
*re ad definiuntur Precariæ, quod sint con-*  
*tractus, in quo res immobilis alicui, ad pre-*  
*ces ejusdem, conceditur ad certum & de-*  
*terminatum tempus, ita ut antequam illud*  
*elapsum, revocari non possit, & singulis*  
*quinquennis, si nulla in signum recogniti-*  
*onis pensio annua præstetur, sit renovanda*  
*c. 1. h. t. servanda tamen loci consuetudo.*